



Index Librorvm Prohibitorvm Alexandri VII

Alexander

Romae, 1667

III. Bvlla Clementis Papæ VIII.

[urn:nbn:de:hbz:466:1-81440](https://nbn-resolving.org/urn:nbn:de:hbz:466:1-81440)

solicitudine sua pastorali providere volens, ut animarum devotio, Deique, ac Sanctorum invocatio, sine ullius detrimenti spiritualis periculo foveatur: præcipit, & mandat, ut retentis antiquissimis, & communibus Litanis, quæ in Breviariis, Missalibus Pontificalibus, ac Ritualibus continentur; necnon Litanis de Beata Virgine, quæ in Sacra Aede Lauretana decantari solent; quicumque alias Litanias edere, vel jam editis, in Ecclesijs, sive Oratorijs, sive Processionibus, uti voluerint, eas ad Congregationem Sacrorum Rituum recognoscendas, & si opus fuerit corrigendas, mittere teneantur, neque sine licentia, & approbatione prædictæ Congregationis, eas in publicum edere, aut publicè recitare præsumant, sub pœnis (*ultra peccatum*) arbitrio Ordinarij, & Inquisitoris severè infligendis.

Præsens Decretum factum fuit in generali Congregatione Sanctæ Romanæ, & universalis Inquisitionis, habita in Palatio Apostolico in Monte Quirinali, coram prædicto Sanctiss. Domino Nostro, ac Illustriss. & Reverendiss. Dominis Sanctæ Romanæ Ecclesiæ Cardinalibus adversus hæreticam pravitatem generalibus Inquisitoribus, octavo Idus Septembris, Anno à Nativitate Domini nostri Iesu Christi. MDCI.

Quintilianus Adrianus Not.

III.

BVLLA CLEMENTIS PAPÆ VIII.

Prohibitio Operum CAROLI MOLINÆI.

CLEMENS Papa VIII, ad perpetuam rei memoriam.

APOSTOLICÆ Sedis auctoritati maximè convenit, & ad nostrum pertinet officium, accuratè prospicere, ne impiorum hominum libris, ac monumentis, fidei mentes seducantur, aut quovis modo à via veritatis avocentur. Nos itaque considerantes, damnatæ memoriæ Caroli Molinæi Scripta & Commentaria, doctrinam perniciosam & Catholicæ fidei contrariam continere, & ideo huius impij, & hæretici hominis in prima classe descripti, Opera omnia in Indice Librorum Prohibitorum, tam per nostros prædecessores Romanos Pontifices, quàm etiam per nos nupera edito, expressè ac nominatim sub censuris & pœnis in eo contentis prohibita, & interdicta fuisse: & attendentes etiam, sicut ad audientiam nostram pervenit, quamquam eorundem Operum lectio, & retentio ab univèrsis Christi fidelibus maximè vitanda sit, nihilominus a pluribus, & iis præsertim qui utriusque Iuris scientiam proficiunt, contra huiusmodi prohibitionem, dicti Caroli Scripta & Commentaria, sub variis prætextibus sive illa examinandi, & expurgandi, sive corrigendi & emendandi, ut dicunt, sive etiam ut illis vrantur in Iudiciis & Decisionibus causarum & alijs eorum descriptionibus, frequenter legi & retineri maximo cum eorundem & aliorum animarum periculo, & sub his prætextibus varias licentias etiam à nonnullis Episcopis, & alijs locorum Ordinariis, & ab Inquisitoribus temerè, ac de facto, & etiam quandoque ab hac sancta Sede, & à Venerabilibus Fratribus nostris, S. R. E. Cardinalibus super Indice Librorum Prohibitorum deputatis, sive etiam interdum à Generalibus Inquisitoribus sub præcepto ut non nisi expurgatis & cunctis erroribus deletis ut possint, diversimodè ab eisdem extortas aut impetratas fuisse. Propterea pro nostra Pastoralis sollicitudine, cunctorum Christi Fidelium animarum securitati & saluti, quantum cum Domino possumus consulere, & ne ipsi Christi Fideles mali hominis prava doctrina & impietate fallantur aut inficiantur, oportune providere volentes pro potiori cautela; Motu proprio & ex certa scientia ac matura deliberatione nostris, hac nostra perpetuò valitura Constitutione, omnia, & quæcunque prædicti Caroli Molinæi Hæretici scripta, Opera & Commentaria, Beatorum Apostolorum Petri, & Pauli, ac nostra auctoritate de nouo perpetuò damnamus, reprobamus, interdicimus, & anathematizamus, eorumque lectionem & retentionem univèrsis & singulis Christi Fidelibus

cuiuscun-

INDICES

Librorum

PROHIBITORUM

E. V.

24.

culosque status, gradus, ordinis, conditionis, dignitatis, honoris & preeminentie, licet de illis specialis & individua mentio habenda foret, existant, etiam sub excommunicationis latae sententiae aliisque censuris & poenis in Indice librorum Prohibitorum contentis, ac etiam suspicionis ipsius haretis, quantumvis scripta, Opera & Commentaria ipsa, iam quovis modo fuisse expurgata praeferant; distinde perpetuo interdiciamus & prohibemus. Et propterea omnes, & quoscunque licentias dicto Indice deputatis, ac supremis Sanctae Universalis Inquisitionis contra heticam pravitatem Inquisitoribus, ac à nobis, & Apostolica Sede quomodolibet concessas, legendi & retinendi libros eiusdem *Caroli Molinæ*, etiam sub alio nomine inscriptos vel expurgatos, cum non aliter quam igne expurgari possint, revocamus, cassamus & annullamus. Inhibentes omnibus, & singulis supradictis, ne de cetero huiusmodi licentias cuiquam concedant vel impertiantur. Quisimò omnem facultatem concedendi huiusmodi licentias retinendi vel legendi Opera *huius impij de Floris*, ex quacunque causa & sub quovis prae-textu & colore, quibuscunque personis quavis auctoritate etiam Apostolica suffultis, & quacunque dignitate praeditis, etiam ipsismet Cardinalibus super Indice Librorum Prohibitorum deputatis, ac supremis Inquisitoribus praedictis adimimus, eamque nobis & successoribus nostris Romanis Pontificibus tantum reservamus. Cassantes insuper & ex nunc irritantes quascunque licentias, etiam à nobis concessas, & à successoribus nostris Romanis Pontificibus respectivè concedendas, quae manu nostra aut successorum praedictorum subscriptae non fuerint. Per has tamen nostras Litteras non intendimus prohibere retentionem Librorum Iuris Canonici, & aliorum Catholicorum Auctorum habentium Additiones, seu Apostillas, ut vocant, *huius impij Hominis*; ipsis tamen Additionibus, seu Apostillis deletis & emendatis iuxta censuram de mandato nostro nuper editam, & in Typographia Camerae Apostolicae impressam Romae hoc anno 1602. cartis seu foliis 24. distinctam, cuius initium est; *Censura in omnes Additiones, seu Adnotationes marginales, damnatae mem. impij Caroli Molinæ ad Textum Iuris Canonici. Commentaria Decij in Decretis, & Ius Civile, ad Consilia Decij, & Alexandri. & ad Dynum de regulis, & Decum in tituli ff. de Regulis Iuris.* Finis verò est. *Aliqua fortasse in praemissis, & consimilibus additionibus ab oculis nostris effugerunt, notatu & censura digna, quae diligens lector animadvertens deleat, prorsus teneatur.* Postremò sub censuris, & poenis supradictis omnibus, & singulis Christi fidelibus per Apostolica scripta mandamus, quatenus intra mensem a publicatione praesentium in locis per quae eadem ad eorum notitiam pervenire possint facienda computandum, omnia & singula scripta, Opera & Commentaria praedicta *Caroli Molinæ*, realiter & cum effectu locorum Ordinariis, vel Inquisitoribus exhibeant, & consignent; ipsis verò locorum Ordinariis vel Inquisitoribus, ut illa statim nulla interposita mora aut expectata licentia, igne comburant & comburi faciant. Ut autem praesentes nostrae Litterae ad omnium notitiam facilius deveniant, & ne earum ignorantia quemquam excuset, volumus & eadem auctoritate decernimus, ut earum transumptis etiam impressis, manu alicuius Notarii publici subscriptis, & sigillo alicuius personae in dignitate Ecclesiastica constitutae munitis, eadem fides in iudicio & extra adhiberetur, quae praesentibus ipsis haberetur, si essent exhibitae vel ostensae, utque eadem praesentes ad Valvas Basilicae Principis Apostolorum, & in Aede Campi Florae affixae & publicatae, omnes ita ardeant, & afficiant, perinde ac si omnibus & singulis intimatae fuissent. Quocirca Venerabilibus Fratribus Patriarchis, Archiepiscopis & Episcopis, ac aliis locorum Ordinariis, per eadem scripta mandamus, ut praesentium Litterarum transumpta in suis Civitatibus & Diocesis publicari & oblatari curent ac faciant, & contra inobedientes quoscunque ac declarationem incursus poenarum, & censurarum praedictarum irremissibiliter procedant. Non oblatibus Constitutionibus & Ordinationibus Apostolicis, ac quibusvis privilegiis & indultis, ac Litteris Apostolicis in contrarium praemissorum quomodolibet concessis, confirmatis & approbatis, Ceterisque contrariis quibuscunque. Datum Rome, apud Sanctum Petrum, sub Annulo Piscatoris, die 21. Augusti 1602. Pontificatus nostri anno undecimo.

M. Vestrius Barbanius.

MAGI.